

STATUT Ex-YU

U skladu sa odredbama Zakona koji se bavi građanskim udruženjima, te ostalim odredbama koje su na snazi na teritoriji Makedonije, Osnivačka skupština Međunarodne NVO "Balkanski klub mira" na sastanku održanom u Skoplju usvojila je sljedeći

STATUT

"BALKANSKOG KLUBA MIRA"

Član 1.

Međunarodna NVO "Balkanski klub mira"(u daljem tekstu: Klub) organizovana je kao vanstranačko, nevladino i neprofitabilno udruženje građana čiji je cilj proširiti razvoj dobrosusjedskih odnosa među balkanskim državama i prevazići nepovjerenje i postojeće tenzije među zemljama regije. Klub cilja na doprinos i osiguranje mira, povjerenja, tolerancije i međusobnog povezivanja kreativnosti svih država na Balkanskom poluostrvu uz želju da među državama više nikada ne bude rata i netolerancije.

Član 2.

Za postizanje ciljeva, Klub naročito:

1. Preko svojih članova doprinosi uspostavljanju povjerenja i tolerancije među državama;
2. Doprinosi boljem obostranom razumijevanju koje treba dovesti do lakše i brže harmonizacije društvenog sistema, te integracije u evropske i ostale procese;
3. Jača obostranu vezu i svjesnost o potrebi za regionalnom saradnjom;
4. Potvrđuje prepoznavanje kreativnosti država Balkana čiji je cilj lakša integracija u evropskom i svjetskom procesu;
5. Započinje, obavlja i vrši aktivnosti kako bi se doprinijelo jačanju mira i povjerenja među državama, te svim svojim aktivnostima čini napore kako bi se spriječili sukobi među državama Balkana;
6. Razvija Balkan kao oazu mira, ljubavi i tolerancije;
7. Radi na drugim aktivnostima koje su predmet ovog Statuta i zakona koji doprinose uspostavljanju povjerenja i mira na teritoriji Balkana i šire. S ciljem razvijanja odluka programa, Klub će razviti širok spektar aktivnosti u svim balkanskim državama.

Član 3.

Naziv udruženja je Međunarodna nevladina organizacija "Balkanski Klub mira".

Klub se nalazi u Skoplju, Republici Makedoniji, na adresi Mitropolit Teodosij Gologanov 42A.

Klub vrši aktivnosti na teritorijama balkanskih država koje su članice ovog kluba.

Član 4.

Odluku o prijemu članice donosi Upravni odbor Kluba. Članstvo se stiče potpisivanjem prijave i dobijanjem članske karte. Član može povući članstvo predajom izjave o brisanju njegovog imena sa liste članova. Članstvo u Klubu može prestati u slučaju duže neaktivnosti člana.

Odluku o prestanku članstva donosi Skupština na prijedlog Upravnog odbora.

Član 5.

Član ima pravo da:

1. Učestvuje u realizaciji ciljeva Kluba ravnopravno sa svim ostalim članovima;
2. Direktno učestvuje u donošenju odluka Skupštine, kao i putem organa Kluba;
3. Da izabire i biva izabran među organe Kluba;
4. Da bude na vrijeme i u potpunosti informisan o radu i aktivnostima Kluba;

Član je dužan da:

1. Aktivno doprinosi realizaciji ciljeva Kluba;
2. Da u skladu sa interesima učestvuje u aktivnostima Kluba;
3. Vršiti ostale zadatke koje mu odredi Upravni Odbor;

Član 6.

Organi kluba su Predsjednik, Skupština, Upravni odbor i Nadzorni odbor.

Član 7.

Predsjednik udruženja "Balkanski klub mira" je najviša funkcija ove nevladine i neprofitne organizacije. Bira ga Osnivački odbor Udruženja, jednoglasno od strane članova i/ili svih država osnivača, na konstitutivnoj skupštini. Predsjednik se bira na 6 (šest) godina uz mogućnost da bude još jednom izabran na istu funkciju. Predsjednik predstavlja i podržava udruženje u svim aktivnostima i komunikaciji na pravnoj osnovi, te ima pravo i ovlaštenje, kao nadležno lice za finansije, donositi odluke u vezi svih važnijih pitanja udruženja. Predsjednik

saziva sjednice Upravnog odbora kada je neophodno donijeti odluke o nekim ključnim i prioritetnim pitanjima koja su u skladu sa ciljevima i obavezama udruženja najmanje jednom mjesečno. Predsjednik surađuje sa skupštinom i daje upute za donošenje odluka o nekim važnim pitanjima; on direktno surađuje sa Generalnim sekretarom i nadzire rad i predsjednika i komisija koje je osnovao Upravni odbor. Predsjednik bira podpredsjednika Kluba na 6 godina, uz mogućnost da se još jednom kandiduje za ovu funkciju. Predsjednik određuje generalnog sekretara Kluba, na zahtjev Upravnog odbora na 6 godina, uz mogućnost ponovnog izbora na istu funkciju. Generalni sekretar predstavlja Klub tamo gdje nema potrebe za angažovanjem predsjednika. On stupa u kontakt i surađuje sa svim državama članicama Kluba, te sa članovima komisije i članovima Upravnog odbora, a također organizuje i kontroliše aktivnosti zaposlenih u Klubu. On može donositi odluke kao nadležno lice za finansije do iznosa od 500 (pet stotina) eura. Također vrši dužnosti za koje je dobio pismeno ovlaštenje od predsjednika ili Upravnog odbora.

Član 8.

Skupština Kluba uključuje 715 članova, gdje je 65 iz svake države članice. Skupština se saziva jednom godišnje. Izvanredna sjednica može se sazvati na osnovu pojašnjenog prijedloga Upravnog odbora. kao i na osnovu pisanog zahtjeva najmanje jedne trećine članova udruženja. Skupština Kluba:

1. pravi plan i radni program
2. usvaja statut,
3. razmatra i usvaja najmanje jedanput godišnje izvještaj Upravnog odbora
4. razmatra i usvaja finansijski izvještaj
5. bira i raspušta članove Upravnog odbora
6. djeluje i na nekim drugim poljima propisanim Zakonom. Odluka skupštine validna je ako je najmanje jedna polovina članova prisutna na sjednici. Skupština donosi odluku većinskim glasom prisutnih članova. Potrebna je dvotrećinska većina glasova prisutnih članova kako bi se usvojile izmjene i dopune Statuta.

Član 9.

Upravni odbor je izvršno tijelo Kluba koje se bavi ispunjavanjem ciljeva određenih Statutom.

Upravni odbor ima članove koje bira i raspušta skupština. Predsjednik udruženja vodi Upravni odbor i zakazuje sastanke najmanje jednom mjesečno. Upravni odbor može ovlastiti generalnog sekretara Odlukom da vrši određene aktivnosti, prioritete i zadatke Udruženja. Upravni odbor bira Nadzorni odbor kako bi se izvršilo nadziranje rada svih upravnih tijela Kluba kao i svih članova.

Član 10.

Upravni odbor:

1. vodi rad Kluba između dvije sjednice Skupštine i donosi odluke za realizaciju ciljeva Kluba.
2. organizuje regularno vršenje aktivnosti Kluba
3. povjerava posebna pitanja nekim članovima
4. priprema prijedlog Statuta i drugih odluka koje Skupština mora donijeti
5. donosi finansijske odluke
6. odlučuje o pokretanju izmjena i dopuna Statuta podržanih vlastitom inicijacijom ili prijedloga najmanje dvije trećine članova kluba, te priprema prijedloge koji se tiču izmjena i dopuna koji se predaju skupštini na usvajanje.
7. Upravni odbor utvrđuje da li je polovina članova prisutna dok se odluke donose većinskim preglasavanjem prisutnih članova.

Član 11.

Nadzorni odbor: Kontroliše rad kluba za sve aktivnosti i odluke, a ako primijeti neke nepravilnosti, o tome će odmah informisati predsjednika i Upravni odbor. Nadzorni odbor uključuje 5 (pet) članova koje je izabrao Upravni odbor. Mandat članova Upravnog odbora traje četiri godine i isti mogu biti ponovo izabrani. Nadzorni odbor među svojim članovima bira predsjednika i zamjenika. Nadzorni odbor podnosi izvještaj za svaku sjednicu Skupštine.

Član 12.

Rad Kluba je javan. Upravni odbor brine se o redovnom informisanju članova i javnosti o radu i o aktivnostima Kluba, direktno ili putem međunarodnih publikacija i/ili preko obavještenja za

javnost.

Član 13.

Za realizaciju vlastitih ciljeva, Klub ostvaruje kontakt i ima saradnju sa ostalim profesionalnim, naučnim, obrazovnim, kulturnim, poslovnim i ostalim organizacijama i institucijama čiji je cilj razvoj i priznanje mira, te prijateljskih odnosa u ovoj regiji i šire, a također i Evropi i svijetu. Klub se može uključiti u implementaciju odluka Vijeća Evrope i Ujedinjenih Nacija o državnim sistemima za koje Skupština donosi odluke, a ekskluzivno i Upravni odbor.

Član 14.

Klub od članova prima sredstva, donacije, poklone i slično u skladu sa zakonom.

Član 15.

Klub prestaje sa radom odlukom Skupštine, kada se steknu uslovi za ostvarenje ciljeva Kluba, kao i ostali uslovi propisani zakonom. U slučaju prestanka rada, imovina Kluba prenosi se na UNICEF.

Član 16.

Klub posjeduje okrugli pečat na kojem piše Međunarodna nevladina organizacija "Balkanski klub mira ", Skoplje, označen rednim brojem.

1. Svaki nacionalni klub sadržavat će i ime glavnog grada i bit će označen rednim brojem (redni brojevi dodijelit će se abecednim redom).

Član 17.

Klub ima vlastiti logo. Logo Kluba je golub koji drži maslinovu grančicu mira ispod kojeg piše Međunarodna nevladina organizacija "Balkanski klub mira ", na jeziku države i na engleskom jeziku.

Član 18.

Ovaj statut stupa na snagu na dan usvajanja na Osnivačkoj skupštini i bit će primjenjivan od dana upisa u Registar nadležnog tijela.

U Skopju, 11. Jula, 2004.g.